



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o izmjeni Odluke o standardima i kriterijima za imenovanje pravobranioca i**  
**zamjenika pravobranioca Pravobranilaštva Grada Sarajeva**  
**(Prijedlog)**

**Predlagač:** Gradonačelnica  
**Obrađivač:** Stručna služba za poslove kabineta i  
poslove Gradske uprave

**Sarajevo, februar 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 6. i 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 45. i člana 46. Zakona o pravobranilaštvu („Službene novine Kantona Sarajevo“, broj 33/08 – Novi prečišćeni tekst, 7/12 i 44/16), člana 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08-prečišćeni tekst), te člana 16. i člana 17. Odluke o osnivanju Pravobranilaštva Grada Sarajeva („Službene novine Kantona Sarajevo“, br. 20/10, 30/15, 12/17 i 41/21), Gradsko vijeće Grada Sarajeva, \_\_. na sjednici održanoj dana \_\_. \_\_. 2023. godine, donijelo je

**(Prijedlog)**

**Odluku  
o izmjeni Odluke o standardima i kriterijima za imenovanje pravobranioca i  
zamjenika pravobranioca Pravobranilaštva Grada Sarajeva**

**Član 1.**

**(Predmet)**

- (1) U Odluci o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva („Službene novine Kantona Sarajevo“, broj 32/22), u Obrascu – Ocjena poželjnih uslova, riječi „upisivanjem ocjene“ zamjenjuju se riječima „upisivanjem bodova“, a u koloni – Dugogodišnje iskustvo, riječi u zagradi „(član 4. tačka c) Odluke“, zamjenjuju se riječima „(član 5. stav (2) tačka b. Odluke)“.

**Član 2.**

**(Primjena osnovnog teksta Odluke)**

U ostalom dijelu Odluka ostaje neizmijenjena.

**Član 3.**

**(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo,

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u;

- članu 6. i članu 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) kojima je propisano da se sva imenovanja vrše u skladu sa odredbama citiranog Zakona i uz propisane i utvrđene standarde i kriterije;
- članu 45. i članu 46. Zakona o pravobranilaštvu („Službene novine Kantona Sarajevo“, broj 33/08 – Novi prečišćeni tekst, 7/12 i 44/16) kojima je propisano da gradskog, odnosno općinskog pravobranioca i njegovog zamjenika imenuje, smjenjuje i razrješava Gradsko, odnosno Općinsko vijeće, na prijedlog gradonačelnika, odnosno općinskog načelnika, kao i uslovi za imenovanje na naprijed navedene pozicije;
- članu 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje;
- članu 16. i člana 17. Odluke o osnivanju Pravobranilaštva Grada Sarajeva („Službene novine Kantona Sarajevo“, br. 20/10, 30/15, 12/17 i 41/21) kojima je propisana nadležnost organa za predlaganje i odlučivanje o imenovanju na ovu poziciju, kao i uslovi za imenovanje na predmetne pozicije.

### RAZLOZI ZA DONOŠENJE

Gradsko vijeće Grada Sarajeva, na 18. sjednici održanoj dana 26.07.2022. godine, donijelo je Odluku o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva (u daljnjem tekstu: Odluka).

Naprijed citirana Odluka objavljena je u „Službenim novinama Kantona Sarajevo“, broj 32/22.

Članom 8. stav (7) Odluke propisano je da se o toku provođenja intervjua vodi zapisnik i popunjava obrazac sa utvrđenim kriterijima za ocjenjivanje i vrednovanje kandidata, a koji je sastavni dio Odluke.

Obzirom da je uočeno da je Obrazac – Poželjni uslovi u koloni – Dugogodišnje iskustvo neusaglašen sa članom Odluke kojim su ovi uslovi propisani, to se pristupilo izmjeni iste na način kako je predloženo, prevashodno iz razloga kako bi se u slučajevima iskazane potrebe u konkretnoj primjeni ovog člana Odluke i popunjavanja obrazaca, izbjegle nepotrebne poteškoće.

Prijedlog Odluke dostavlja se Gradskom vijeću na razmatranje i odlučivanje.

### FINANSIJSKA SREDSTVA

Za realizaciju odluke nisu potrebna dodatna finansijska sredstva.